



Samstarfssamningur Mosfellsbæjar og Björgunarsveitarinnar Kyndils

Mosfellsbær kt. 470269-5969 og Björgunarsveitin Kyndill kt.500377-0709, gera með sér svohljóðandi samstarfssamning:

1. grein

Tilgangur og markmið samningsaðila

Meginmarkmið samningsaðila er að leitast við að tryggja öflugt og fjölbreytt frístundastarf í Mosfellsbæ.

Björgunarsveitin Kyndill skal hafa það að markmiði í starfsemi sinni að bjóða unglingum upp á skipulagt starf undir leiðsögn hæfra leiðbeinenda. Samhliða þjálfun og kennslu í inntaki björgunarstarfa skal starf með unglingum taka mið af mikilvægi forvarna í víðum skilningi.

Mosfellsbær mun styðja fjárhagslegan rekstrar- og starfsgrundvöll sveitarinnar með samkomulagi um framlag vegna barna- og unglingastarfs, afnota af mannvirki félagsins og með beinum fjárframlögum.

Mosfellsbær hvetur íþrótta- og tómstundafélög bæjarins til að auka framboð íþrótta og tómstunda fyrir börn með sérstakar þarfir og börn með fjölbreyttan tungumála- og menningarbakgrunn til samræmis við stefnumörkun Mosfellsbæjar á þeim sviðum á hverjum tíma. Unnt er að sækja um fjárstuðning til menningar-, íþrótta- og lýðheilsusviðs fyrir nýsköpun og þróun verkefna sem styðja við ofangreind markmið.

2. grein

Framlög Mosfellsbæjar

Mosfellsbær greiðir samkvæmt þessum samstarfssamningi Björgunarsveitinni Kyndli árleg fjárframlög og skal félagið ráðstafa þeim á eftirfarandi hátt til starfsemi félagsins:

3.414.311 kr. Framlag til unglingastarfs

Framlaginu skal verja til barna- og unglingastarfs félagsins. Framlag hvers árs tekur mið af breytingum á launavísitölu útgefinni í ágúst árið áður, auk 3,5% á ári til að mæta væntanlegri fjölgun félaga. Gera skal grein fyrir því hvernig framlaginu er varið í reglulegum skýrslum til Mosfellsbæjar.

625.957 kr. Framlag til mennta- og styrktarsjóðs

Framlaginu skal verja til að styðja við einstaklinga eða hópa innan sveitarinnar vegna námskeiða, til að styðja við leiðbeinendur til að sækja sér menntun og þekkingu sem nýtist þeim í starfi með unglingunum eða til að bæta búnað unglingastarfsins. Framlag hvers árs tekur mið af breytingum á launavísitölu útgefinni í ágúst árið áður, auk 3,5% á ári til að mæta væntanlegri fjölgun félaga. Gera skal grein fyrir því hvernig framlaginu er varið í reglulegum skýrslum til Mosfellsbæjar.

956.648 kr. Framlag vegna eigin afnota af mannvirki sveitarinnar

Reiknað framlag Mosfellsbæjar vegna afnota Kyndils af eigin húsnæði til unglingastarfs. Framlag hvers árs tekur mið af breytingum á launavísitölu útgefinni í ágúst árið áður, auk 3,5% á ári til að mæta væntanlegri fjölgun félaga. Gera skal grein fyrir því hvernig framlaginu er varið í reglulegum skýrslum til Mosfellsbæjar.

Framlag til greiðslu fasteignagjalda vegna fasteigna í eigu Kyndils

Á hverju ári samningstímans skal Mosfellsbær veita Kyndli fjárframlag til greiðslu fasteignagjalda af fasteignum sem eru í eigu félagsins og eru nýttar sem slíkar.

3. grein

Greiðslur framlaga

Framlög til starfsins eru greidd í tveimur jöfnum greiðslum 1. janúar og 1. júní ár hvert. Greiðslur taka mið af breytingum á vísitölum útgefnum í ágúst árið áður, í fyrsta sinn ágúst 2024 vegna greiðslna fyrir 2025. Gera þarf grein fyrir hvernig framlögin eru nýtt í skýrslum til Mosfellsbæjar þegar eftir því er leitað. Öll framlög til félagsins verða gerð sýnileg á vef bæjarins auk ársreikningi Kyndils þegar hann liggur fyrir eftir aðalfund félagsins ár hvert.

Félagið skal senda Mosfellsbæ reikninga fyrir fjárframlögum skv. þessari grein. Dagsetning reiknings skal vera 1. dagur þess mánaðar sem kveðið er á um í greiðslu framlagsins. Mosfellsbær áskilur sér tvær vikur til úrvinnslu reiknings áður en hann er greiddur. Reikningar eru greiddir inn á þann bankareikning félagsins sem tilgreindur er á innsendum reikningi. Félaginu er óheimilt að veðsetja eða ávísa greiðslum skv. samstarfssamningi þessum til þriðja aðila.

Árlegar greiðslufjárhæðir eru ákvarðaðar með fyrirvara um fjárheimildir í árlegri fjárhagsáætlun Mosfellsbæjar.

4. grein

Samskipti samningsaðila

Stjórn Kyndils tryggir að erindi til Mosfellsbæjar fari um stjórn félagsins. Mosfellsbær tryggir að erindi sem berast með öðrum hætti en frá stjórn Kyndils verði ekki tekin til umfjöllunar í nafni félagsins.

Íþrótt- og tómstundanefnd Mosfellsbæjar kemur fram fyrir hönd Mosfellsbæjar varðandi undirbúning samningsins. Leiðtogi íþrótt- og lýðheilsamála Mosfellsbæjar annast dagleg samskipti við Kyndil varðandi framkvæmd samningsins.

Framkvæmdastjóri/formaður Kyndils kemur fram fyrir hönd félagsins gagnvart Mosfellsbæ varðandi dagleg samskipti og nánari framkvæmd samnings þessa.

Björgunarsveitin Kyndill tekur þátt í starfi samstarfsvettvangs íþróttá- og tómstundafélaga í Mosfellsbæ.

Íþróttá- og tómstundanefnd fundar einu sinni á ári með fulltrúum Kyndils.

5. grein

Ábyrgð stjórnar Kyndils

Framkvæmdastjóri/formaður Kyndils, í umboði stjórnar, skal bera ábyrgð á fjármálastjórn félagsins og tryggja að bókhald sé reglulega og réttilega fært og skal það liggja fyrir 31. desember ár hvert.

Allir styrkir og framlög Mosfellsbæjar greiðast til stjórnar og annast framkvæmdastjóri/formaður frekari ráðstöfun greiðslna í samræmi við samþykktar rekstrar- og fjárhagsáætlun félagsins.

Stjórn Kyndils ber ábyrgð á skuldbindingum félagsins og tryggir að þær séu ávallt í samræmi við skráðar áætlanir og samþykktir stjórnar. Aðrar skuldbindingar sem einstakir aðilar innan félagsins kunna að gera án skriflegrar heimildar eða samþykktar stjórnar eru á ábyrgð þeirra sem til þeirra stofna.

Kyndill skuldbindur sig til að hækka ekki félagsgjöld umfram launavísitölu á samnings-tímanum. Komi hins vegar til þess að forsendur félagsgjalda breytist, til að mynda ef æfingum eða leiðbeinendum er fjölgað, er Kyndli heimilt að endurskoða félagsgjöld og upplýsa Mosfellsbæ.

Í samræmi við 16. gr. íþróttalaga nr. 64/1998 og 10. gr. æskulýðslaga nr. 70/2007 er Kyndli óheimilt að ráða aðila til starfa, til að sinna börnum og ungmennum yngri en 18 ára, sem hafa hlotið refsídóm fyrir brot á ákvæðum XXII. kafla, 211. eða 218. gr. almennra hegningarlaga nr. 19/1940 og skal það sama gilda um aðila sem hlotið hafa refsídóm fyrir brot gegn lögum um ávana- og fíkniefni síðastliðin fimm ár. Tekur framangreint einnig til sjálfboðaliða sem falin er umsjón með börnum og ungmennum yngri en 18 ára.

Félagið skal við framkvæmd samningsins huga sérstaklega að því að mæta þörfum barna með sérstakar þarfir og barna og ungmennta með fjölbreyttan tungumála- og menningarbakgrunn í samvinnu við Mosfellsbæ. Jafnframt skal félagið vinna jafnréttisáætlun sem skal taka mið af jafnréttisáætlun Mosfellsbæjar og skipuleggja starf sitt með þarfir og hagsmuni allra kynja í huga. Félaginu ber einnig að taka tillit til lýðheilsu- og forvarnarstefnu Mosfellsbæjar við skipulag starfsemi sinnar og framkvæmd viðburða. Kyndill skal setja upp áætlanir varðandi fræðslu og viðbrögð við eineltismálum í samvinnu við Mosfellsbæ.

Mosfellsbær áskilur sér rétt til að skilyrða allar fjárveitingar til Kyndils þannig að félagið setji sér siðareglur, viðbragðs- og aðgerðaráætlun í tengslum við þær. Þá skal Kyndill fræða starfsfólk sitt um hvað teljist kynferðisleg áreitni og/eða ofbeldi og hvað teljist annað

Alh, - FA'

ofbeldi. Einnig skal félagið stofna og/eða hafa aðgang að óháðu fagraði sem tekur á móti ábendingum og kvörtunum iðkendum og ábyrgðaraðila.

6. grein

Upplýsingaskylda Kyndils

Stjórn Kyndils ber ábyrgð á rekstri félagsins og skuldbindur sig til að leggja fram gögn um fjárhagsleg málefni félagsins hverju sinni þegar eftir því er leitað af hálfu fulltrúa Mosfellsbæjar.

Stjórn Kyndils skal leggja fram starfs- og fjárhagsáætlun fyrir næsta starfsár eigi síðar en 31. desember ár hvert.

Gögnin verða hluti þeirra upplýsinga sem birtar verða á vef bæjarins um hvernig fjármunum sveitarfélagsins er varið.


7. grein

Endurskoðunarákvæði og gildistími

Samningurinn gildir frá 1. janúar 2025 til 31. desember 2027 og fellur þá úr gildi án uppsagnar. Verði meiriháttar breytingar á forsendum fyrir rekstri Kyndils á samningstímabilinu getur félagið óskað eftir viðræðum við Mosfellsbæ. Fyrir 1. september 2027 skulu samningsaðilar endurskoða samninginn með það að markmiði að nýr samningur taki gildi í upphafi árs 2028.

Mosfellsbær 27. febrúar 2025

F.h. Mosfellsbæjar



Regína Asvaldsdóttir
bæjarstjóri

F.h. Björgunarsveitarinnar Kyndils



Bent Helgason
Formaður Kyndils